

di, et Idelbrandi filio suprascripti Pagani rog. A Cunradus notarius domini imperatoris post traditam complevi, et dedi  
intersui.

Signum manus Enrichi filio bon. mem. Sigifredi  
rogatus interfui.

ANNO DOMINI MLXXXVI.

# UDALRICUS

## CLUNIACENSIS MONACHUS.

### IN SUBSEQUENTEM COLLECTIONEM

#### MONITUM.

UDALRICI ÆTAS, PATRIA, NATALES, RES GESTÆ.

(Apud ACERIUM, *Spicileg.*, tom. I, pag. 639.)

Cluniacensis abbatæ antiquiores Consuetudines ut in Incem proferrem duplii sum usus apographio : alterum quingentos preseferens annos ad me transmisserat Nicolaus Canuzatius, Ecclesiæ Trecensis quondam canonicus , anno Christi 1450 ; alterum vero asceterium Cluniacense recentiori manu exaratum subministravit. E priori ad libri tertii diuinam partem capitî 9 exscribi tantummodo curaveram, quod mihi diutius illud servare per tempus non licet; sperabam minirum si quando haec Consuetudines edendæ forent, iterum apographi copiam mihi factum iri : at spes vana fuit, siquidem, licet omnem adhibuerim diligentiam, qua meis, qua amicorum litteris ac precibus, nullibi tamen, potissimum in bibliotheca Trecensi Patrum congregationis Oratorii, ubi illud asservari certo audiveram, apographum potuit reperiri. Auctor haruince Consuetudinum Udalricus, nobilitate juxta et sanctitate clarus, inscribitur : e cuius vita paucula quæ ad rem faciunt nostram hæc habe : *Venerabilis vir Udalricus ex illustri proscopia Bavariorum Ratisponæ civitatis, velut Lucifer inter cetera poli sidera, sic inter totius cognitionis sue relucebat nobile schema, etc.* Et multis interjectis : *Ipse primum, petente Wilhelmo Hirsaugiensi cœnobii reverendissimo abbatte, Alamanniæ monasteriis Consuetudines Cluniacensis ecclesiæ invexit, quas plerique monastice religionis amatores tanto studio, tantaque veneratione observant et amplectuntur, ac si opes regias se habere gratulentur : de quibus duos (tres Udalricus asserit) libellos luculento sermone compositi ; quorum conscriptio tam per Alamanniæ quam et aliorum regionum monasteria longe lateque pervolavit. Quos si forte leges, quasdam divinæ servitutis, aliorumque officiorum, necnon obedientiæ, humilitatis, fratrumque charitatis leges conscriptas in eis reperiire, studium, ingeniumque quoque, sapientiamque viri inibi manifeste poteris cognoscere. Erat enim homo iste doctus paternis in regno cœlorum, proferens de thesauro suo nova et vetera, unde multos ad scientiam eruditivit, etc.*

Atenim non eo quo collegit tempore Udalricus illas Consuetudines primum fuisse conditas, sed a multis retro temporibus jam usu receptas legenti palam fiet, ita ut id confirmari opus non sit. Quare eas vetustiores nuncupare non dubitavi. Alias postea scio latas a venerabili Petro abbate, ut occurreret nonnullis qui irripserant dissolutis quorundam cœnobitarum moribus ; quas cernere est in Bibliotheca Cluniacensi.

Et quamvis ad monachos præsertim attineant ordinationes istæ, multa nibilominus inibi occurrent quæ ad ecclesiasticorum muniorum illustrationem atque ad divina mysteria rite petractanda non parum conferunt ; puta quæ de augusto missæ sacrificio, de Extremæ Unctionis sacramento , de confectionis hostiarum in altari consecrandarum summa cura et religione singulari; deque aliis ad canonicas Deo laudes die nocteque persolventes observantiæ, præscribuntur. Ast prætereunda minime est annotatiuncula a me affixa ad cap. 35 : *De Benedictionibus uivarum, et aliorum fructuum* : ut explicare verba ista : *Allatas (uvas) armario repræsentat, et armariis sacerdoti inter Canonem ad horam competentem et prænotatam, etc.* Ita se habet annotatiuncula : *Scilicet ad hæc verba Canonis : « Per quem hæc omnia, Domine, semper bona creas, etc. »* Neinde tunc fidèles offerebant novas fruges, uvas, fabas, aliqua id genus, queis sacerdos in altari benedictionem impertebatur. In eamdem it sententiam Durandus episcopus Ministensis in libri iv Rationalis, capite 46, num. 8, ubi Canonis locum proxime citatum explanat his verbis : *Hoc autem loco benedicatur uva, etc.* Mos enim vetus fuit, et etiamnum in quibusdam viget Ecclesiis, primitias fructuum Deo consecrare, quo tanquam summum creatorem universorum ipsum fidelis populus profiteatur, veneretur, eique gratias de beneficiis sibi præstitis agat, ac cœlesti benedictione illis fruendo cunctetur. Et id quidem ex institutione Eutychiani papa, ut resert pontificale Damasi (Hugo MENARD. in Lib. Sacram. S. Gregorii pag. 173) : *Hic instituit fruges, fabas, et uvas in altario benedici, velut et Martyrologia Rabani et Notkeri. In concilio Carthag. iii, can. 3, frumenti et uvæ fit mentio, in concilio quoque Trullensi, can. 28, et Burchardi Decret. lib. vi, capp. 3 et 4. Atque ut sensum hic meum apponam, admodum vero simile est illa Canonis verba posse sic exponi : Per quem hæc omnia, Domine, semper bona creas, sanctificas, vivificas et præstas nobis, etc.* Hoc est per Filium tuum, sine quo factum est nihil quod factum est, hos fructus, quos tibi nunc offerimus, et abs te benefici postulamus, continuo creas ac producis ab bonum et utilitatem nostram. Verum de ejusdem interpretatione Lectoris esto judicium.

Alius etiam codex scriptus caruindem Consuetudinum, a Bernardo Cluniacensi monacho concinnatarum,

ac B. Hugoni abbatii dicatarum, subministravit quædam capita quæ in utrisque et Cluniaciensi et Camuzati codicibus desiderabantur, nimirum capita 13, 14 et 15. Bernardi autem prælationis pericopen, ne tota pereat, hoc loco subtexere, Lectori, opinor, haud erit ingratum, vel a propositum alienum. Sic autem exorditur Bernardus :

*Reverendissimo atque totius religiosis principio domino Hugoni abbatii. Frater BERNARDUS filiorum ejus ultimus quidquid esse, dici et cogitari potest excellentius.*

« Quoniam, Pater religiosissime, loci Cluniaciensis viam universæ carnis paulatim ingredientibus, ac novitiis succendentibus, quædam de consuetudinibus sæpiissime oriebantur controversiæ, diversis diversa sentientibus, ita ut plerumque novitiæ hæc audientes, incertiores de capitulo discederent quam accessissent, operæ pretium judicavi, si vestra mihi auctoritas imperaret, ut cum quanta possem diligentia ipsam veritatem investigarem, et sive ex his quæ scripta reperiem, sive ex his quæ diceram vel discere possem, sententias veriores atque discretores, quibus videlicet probabiliores et melius ordinem scientes personæ testimonium darent, in unum volumen redigerem; siveque æquitatem consideratam, litteris diligenter annotalam posteris derelinquerem. Hoc itaque opusculo pro meæ parvitalis modulo a vobis accepta jussione implet, quasi rivulus ad fontem recurro, Vestræque Excellentiæ quod ex ejus plenitudine hausí represento, etc. Tantum restat ut vestra mihi succurrat oratio, quatinus sequi possim quod in vobis laudo, et viam quam monstratis, quamque describere jussistis, tenere sufficiam ad salutem meam et gloriam vestram. Obsecro autem fratres nostros ne dedignetur ex ligneo vase potum veritatis sumere, neque propter fistulam plumbeam, per quam fluit, aquam frigidam claramque despiciant, si eos sitire contingat, ut sciant quibus sententiis inniti debeant, ut a sanctarum Consuetudinum tramite non recedant. Omnipotens Deus, in cuius manu consistit omnis profectus loci Cluniaciensis, conservet sanctum caput vestrum nobis incolume, ut videatis filios filiorum vestrorum, longoque tempore mundo præbeatis solatium. »

Hactenus Bernardi Præfatio, qui æqualis exstitit Udalrici, eodemque conscripsit tempore Consuetudines, ut conjicere licet, quo et ipse Udalricus. Cur porro Udalrici potius quam Bernardi collectionem ediderimus, ratio in promptu est, nimirum ob nominis claritatem Udalrici; quodque comptiore studio ac meliori ordine, dialogis scilicet, digestam ejus collectionem judicaverimus : qui scribendi modulus, cum de asceticis rebus ritibusve præsertim agitur, facilitiori via animum instruit suadetque.

## ANTIQUIORES CONSUETUDINES CLUNIACENSIS MONASTERII COLLECTORE UDALRICO MONACHO BENEDICTINO

(ACHERII *Spicil.* tom. I, pag. 641.)

### EPISTOLA NUNCUPATORIA.

Domino reverendissimo ac piissimo Patri WIL-  
LELMO, Hirsaugiensi abbatii, sanctoque fratrum colle-  
gio sibi subjecto, frater WLDALRICUS Cluniaciensis  
Ecclesiæ qualiscunque monachus, in Domino salu-  
tem, et ipsius celerrimam benedictionem, et hic et  
in futuro.

Quotidie meminisse cum personæ tum Ecclesiæ tuæ, Pater dilectissime, revera ita venit in usum humilitati meæ, ut jam tam usus quam affectus non patiatur utullo die omittatur. Accedit aliquoties admodum grata et jocunda memoria pollicitationis tum de cavendo ingenio quorumdam hominum sæcularium, qui nimirum, non magnopere curantes de alio quam de hac sola temporali vita, postquam domum habuerint, ut dicam, plenam filiorum et filiarum, aut si quis eorumdem claudis erit aut mancus, surdaster aut cæcus, gibbosus aut leprosus, vel aliud quid hujusmodi quod eum aliquo modo sæculo facit minus acceptum, hunc quidem impensisimo voto ut monachus fiat offerunt Deo, quanquam plane non propriè Deum, sed propter hoc tantum

A ut seipso expediant ab eis educandis et pascendis, vel aliis suis liberis possit esse magis consultum. Ergo ut taceam de his qui non carent sanitate corporali et membrorum integritate, ab his ipsis qui sunt ita semihomines vel ita semivivi, qualia sæpius experti sumus perpetrari. Si expediret, in promptu est talem nominare quem ad habitum sanctitatis non alia sanctitas quam sola strumæ contumelia traxit, et talem quem non nisi pes . . . a quorum utroque vobis etiam testibus parum boni processit exempli; quanto minus ab illis qui bonæ sunt valitudinis, ubique tanti sunt congregati, tantæque potentiae, ut habitudo monasterii sit in illorum manu? Evidem quæ ibi sit vita, qui vigor disciplinæ regularis, omnes sciunt, quicunque sciunt id genus monachorum ibi regnare. Adeo tritum est et usitatum, si qua districtio hujus spiritualis militiae inter has nostrorum temporum fæces esse potest, non esse, nisi ubi major est numerus et auctoritas major illorum qui non ætate lasciva, nec imperio parentum, sed sponte sua, et majoris ætatis, solo